

L'ADMIRABLE
HARMONIE
DES
PERFECTIONS
QUALITEZ ET REPROCHES
DE
MAZARIN.



A PARIS,
Chez CLAVDE MORLOT, rue de la Bucherie;
aux Vieilles Estuues.

M. DC. XLIX.
AVEC PERMISSION.

51

352
F
39
326


L'ADMIRABLE HARMONIE

DES
PERFECTIONS

VALEURS ET RESSOURCES

DE

MAZARIN



A PARIS

chez CLAUDE MORLOT, rue de la Bucherie
aux Vieilles Ecuries.

M. D. C. XLIX.

AVEC PERMISSION.



L'ADMIRABLE HARMONIE
des perfections, qualitez & reproches
de Mazarin.

LES Philosophes des adorateurs de l'antiquité ne sont pas d'accord touchant la felicité de l'homme qui les a obligez a en produire diuerfes opinions, ce qui nous fait assez connoistre qu'ils n'en auoient pas vne vraye connoissance, & encore moins vne parfaite possession. Pythagore & ses disciples ont soustenu que la felicité des animaux raisonnables consistoit dans la tranquillité de l'esprit, Sardanapalle & toute sa caballe au boire & au manger; Certains Philosophes de la petite barbe, ont creu qu'elle estoit fondée dans la lubricité; Les Sages d'Ægypte estimoient qu'elle se rencontroit dans les grandes richesses, les autres dans les grands honneurs, Stesculape & plusieurs de sa suite dans vne parfaite santé, Socrate, Platon, Aristote & Maximene dans vne parfaite science, & les Begards & les Begines dans la beauté extérieure du corps. Nos Theo-

4

logiës qui esclairez par la lumiere de la foy, penetrent bien auant dans les plus secrets mysteres ont estably deux sortes de felicité ; yne est appellée obie&tiue, & l'autre subie&tiue : La premiere ils l'establissent dans la contemplation du premier estre qui est Dieu, & la seconde dans la possession : Nostre Mazarin aussi bien que Lucifer, jouit de toutes les felicittez alleguées, si nous exceptons la premiere opinion des Philosophes, & celle des Theologiens ; parce que la vaine gloire & l'orgueil qui le ronge ne luy permet point de donner du relasche & du repos à son esprit, ny de l'esleuer dans le mystere de la Diuinité : Que si Lucifer s'est repeu du vent, & de la fumée de l'ambition qu'il luy seruoit d'aliment & de breuuage : Aujourd'huy lulle Mazarin remplit son ventre de tant de mets, faus-fes & bouillons qu'il nous fait voir assez clairement qu'il est du party de Sardanapalle : Si Lucifer a exercé son esprit en toutes les delices, possibles & imaginaires ; Mazarin exerce son corps dans les plaisirs les plus desordonnées, & le train de sa vie passée, son humeur & son temperament tesmoignent assez qu'il est dans la rang des Philosophes de la petite barbe, si le premier aage à jouïy de tous les dons & faueurs de la nature, aujourd'huy nostre Ministre iouit de toutes les richesses de la France, & restablit avec ses Partisans

5
tifans l'opinion des Egyptiens , & ce n'est pas
de merueille qu'il se mette de leur trouppes, puis
qu'il est aussi grand larron que le plus ruse Boë-
me, il est encore du party de ceux qui disent que
la felicité consiste dans les honneurs; car il yfur-
pè & occupe les plus grandes charges & dignitez
qui les produisent, apres que par ses tricheries &
ses finesse, il a esté fait Cardinal, il a brigué en
France les plus grands benefices & offices de la
Couronne; il ne trouue pas qu'Æsculape ait mal
philosophé, & pour monstrier & tesmoigner qu'il
a le mesme sentiment, il prend tant de soing pour
la conseruation de sa santé, qu'il est facile à iuger
qu'il estime que son plus grand bon-heur & sa fe-
licité dépendent du bon maintien de son indiuidu.
Il trouue encore que Platon & ses disciples ont
bonne raison de dire que la felicité consistoit dans
les sciences: Et comme il y en a plusieurs especes,
aussi y en a-t'il qui luy agréent, & les autres dont il
ne fait point d'estime, la science du jeu luy est fort
agreable, la cognoissance du nombre d'or luy
plaist, & l'art de tromper luy semble estre de l'es-
sence de son bon-heur, il n'y a point de doute que
Lucifer n'ait eu le mesme sentiment, puisque il ne
s'est pas contenté d'estre le premier des intelli-
gences; mais il a voulu briguer les honneurs & les

prerogatiues qui appartiennent à la diuinité, le soin qu'il a tesmoigné de sa conseruation & la grandeur de sa nature, fait voir qu'il a esté du party des derniers Philosophes, de mesme que nostre Mazarin: qui paroist encore beaucoup plus semblable à cet Ange par son orgueil & son ingratitude, & comme il ny a si petit enfant qui ne sçache que ces deux vices ont causé la ruine de ce premier Ange, ie me contante de faire voir leur enormité en la personne de nostre ministre, afin de descouurir sa perte prochaine; les Casuistes ont coustume de diuiser l'orgueil en dixsept spheres, qui paroissent aussi bien dans ses desseins que dans ses actions, sa vaine gloire le porte a mespriser celle de Dieu, & d'vser d'hypocrisie, la vanité du siecle à rechercher les pompes avec excez la gloire du mal le faict réjouir d'estre estimé le fleau de la France, la jactance le prouoque a s'estimer le plus sage du monde, l'inobedience le rend rebelle aux commandemens du Pape & du Parlement, le desdain l'excite à mespriser les grands du Royaume.

Son orgueil le porte à tenter Dieu, ne voulant pas sortir du peril, à presider indignement, & occupant vne place dont il est incapable, à preferer son corps à son ame, à vouloir iniustement estre prise, à ne croire que soy mesme, à résister au bien

& souffrir le mal, à ne vouloir cesser de mal faire, à viure en impie, & à auoir horreur d'estre bon, il n'est pas besoin de descrire son ingratitude, elle paroist assez en ses actions, l'enuie qui le ronge de se voir sans esgal, l'oblige à rechercher tous les iours de nouueaux moyens de s'agrandir aux despens de la France; ses vices seroient tolerables, s'il laissoit viure le peuple en repos, qu'il rendit l'honneur qu'il doit au Parlement, le respect qu'il doit aux Princes, & s'il seruoit fidellement le Roy; Mais ô perfidie estrange, il n'employe tout son estude qu'à trouuer des inuentions pour ruiner le peuple, ternir l'esclat de la pourpre de nos Seigneurs de Parlement, vsurper la gloire des Princes, & pour éluder des iustes desirs du Roy, le Ciel ne peut voir nos miseres sans l'armoyer, Sain& Michel l'Ange tutelaire de la France se prepare pour le venir exterminer, & Dieu tient en main vne foudre dont il le doit exterminer s'il poursuit de nous persecuter.

F I N.

[illegible]

417